



UDRUŽENJE
FORUM LJEVE INICIJATIVE



*Priča koja traje već
17 godina...*

Uvodne riječi

TIM KOJI POBJEĐUJE!

Entuzijazam, nove ideje, timski rad i otvorenost za saradnju s društveno-političkim aktivistima i aktivistkinjama bili su moja nit vodilja još od najranijih dana mog djelovanja u nevladinom sektoru. Pozicioniranje Udruženja Forum lijeve inicijative kao prepoznatljive domaće i regionalne think-tank organizacije na Zapadnom Balkanu ne bi bilo moguće bez sjajnog FLI tima, ogromne i nesebične podrške međunarodnih i regionalnih partnera, mladih aktivista/kinja, volontera/ki, mreže saradnika/ica i naših prijatelja/ica. Iako smo sebi postavili visoke ciljeve, uspjeli smo savladati sve izazove – razvili smo drugačije i inovativne programe i ponudili ih svima onima koji su željeli raditi na unapređenju svog društveno-političkog angažmana.

Izuzetno mi je drago što je Forum lijeve inicijative kvalitetom svojih programa prepoznat kao uspješno i podsticajno mjesto za različite generacije, a čija je želja za sticanjem znanja zadovoljena. Naša misija kroz osnaživanje kapaciteta mladih, žena i različitih društvenih grupa je oblikovana u jedinstvenom umrežavanju aktivista, stručnjaka i volontera koji zagovaraju izgradnju pravednog društva za sve. Želim se zahvaliti svima u Forumu lijeve inicijative: projektnom timu, članovima, članicama FLI Skupštine i saradnicima koji su uložili svoje vrijeme, sposobnosti, profesionalnost, strpljenje, želju i trud – a što je, u konačnici, i pokazalo rezultate.

Želim čestitati mojim kolegama i kolegicama na ozbiljnom i odgovornom pristupu u radu. Ponosna sam na sve vas jer smo profesionalno obavljali dosadašnje zadatke te zaista postavili temelje kvalitetnih programa namijenjenih neformalnom obrazovanju, izradi i zagovaranju javnih politika, kako u Bosni i Hercegovini, tako i na Zapadnom Balkanu.

Posebnu zahvalnost dugujem učesnicima naših programa jer smo ih svi mi oblikovali – motivisani i kvalitetni lideri, aktivisti, odlični profesori i mentori. Neka ova brošura bude zahvalnica svima vama koji ste ostavili svoj pečat u našim programima, vama koji ste i koji ćete dijeliti stečeno znanje, iskustvo i biti progresivni i u budućnosti.

Mišljenja sam da naša djela govore kroz vaše uspjehe jer ćemo ostati upamćeni po onome čime smo doprinijeli u razvoju našeg društva i zajednice.

Vaša Jelena



FLI tim

TEMELJI USPJEŠNOG TIMA: POVJERENJE, LIDERSTVO I VIZIJA



Neira Kujović

Izvršna direktorica



Hamza Pecar

Projekt menadžer



Ivana Kerleta

Projektna koordinatorica



Indira Imamović

*Koordinatorica za finansijsko i
administrativno poslovanje*

Uspješan tim nije samo grupa ljudi okupljenih oko istog zadatka – to je porodica u kojoj svako donosi svoj dio energije, ideja i snage. Naša snaga leži u tome što nas ne ujedinjuje samo posao, nego i velika vizija – izgradnja bh. društva utemeljenog na socijaldemokratskim vrijednostima socijalne pravde i solidarnosti. U našem timu oslanjamo se na međusobno razumijevanje i povjerenje. Zajedno učimo, podržavamo jedni druge i slavimo svaki, pa i najmanji uspjeh. Znamo da ideja za stvaranje uslova u društvu u kojem mladi imaju svoje mjesto, glas i priliku da stvaraju promjene nije laka, ali vjerujemo da je naš cilj vrijedan jer svaki trud ostavlja trag. Biti dio tima znači da

zajednički rad donosi rezultate koji su veći od bilo čijih pojedinačnih postignuća. Naš uspjeh nije slučajna – on je plod predanosti, strpljenja i zajedničke želje da se stvori bolje društvo. Kada se snaga pojedinaca udruži u zajednički cilj, onda granice ne postoje, a uspjeh postaje zagarantovan.

Hvala vam na povjerenju koje nam ukazujete sve ove godine.

FLI SKUPŠTINA



Seudin Novalić
predsjednik



Ajla Mrnjavac
potpredsjednica



Irfan Čengić



Lana Prlić



Adi Kasumović



Predrag Puharić



Nedim Račić



Dino Nikšić



Malik Garibija



Elvir Mahmuzić



Ajdin Kahrović

“Kao predsjednik Skupštine Foruma lijeve inicijative, ponosan sam što imam priliku sarađivati sa sjajnim FLI timom te kroz redovna zasjedanja Skupštine pratiti i podržavati rad organizacije. Kreirali smo prostor za otvoreni dijalog, razmjenu ideja i donošenje odluka koje su usmjerene ka jačanju socijaldemokratskih vrijednosti. Vjerujem da su naši zajednički naponi doprinijeli razvoju

kvalitetnih inicijativa i programa te da ćemo i u budućnosti nastaviti graditi Forum koji daje priliku mladima i svim progresivnim snagama u Bosni i Hercegovini.”

Seudin Novalić, predsjednik Skupštine
Foruma lijeve inicijative

NAŠI PARTNERI



Zašto nam je važan razvoj civilnog društva u Bosni i Hercegovini?

KO SMO MI?

Udruženje Forum lijeve inicijative (FLI) je regionalna think-tank organizacija posvećena razvoju i promociji progresivnih politika, socijaldemokratskih vrijednosti i istraživanja. Organizacija okuplja aktiviste i aktivistice lijeve političke organizacije, kao i aktiviste i aktivistice organizacija civilnog društva i sindikata. Naša misija je da kroz programe neformalnog obrazovanja doprinesemo osnaživanju građana i građanki, razvijamo progresivne javne politike te povezujemo društveno-političke aktore u Bosni i Hercegovini i regionu.

ŠTA MI RADIMO?

Bavimo se političkom edukacijom, istraživanjima i međunarodnom saradnjom.

Kroz naše programe:

- organizujemo edukacije, treninge za mlade, žene, aktiviste, sindikate, civilno društvo i političke aktore;
- provodimo istraživanja i analize – ispitujemo javno mnijenje, razvijamo politike, iniciramo promjene i objavljujemo publikacije;
- gradimo regionalna i međunarodna partnerstva kako bismo razmjenjivali znanja, iskustva i najbolje prakse.

ŠTA JE NAŠ CILJ?

Naš cilj je da budemo generator progresivnih promjena u društvu. Kroz edukaciju, istraživanja i saradnju, doprinosimo razvoju demokratskog, inkluzivnog i pravednog društva te jačanju socijaldemokratskih vrijednosti u regionu. Na području međunarodne i regionalne saradnje nastojimo djelovati afirmativno na razvoj regionalne mreže i ojačati političko djelovanje mladih ljevičara/ki na regionalnom nivou. Kroz zajedničke projekte, konferencije i razmjenu znanja jačamo progresivne ideje i politike u regionu.



SKOK

SOCIJALDEMOKRATSKI
KRATKI OTVORENI KURS

SKOK

Šta je aktivizam, kako ga potaknuti i zašto nam je potreban?

Imajući u vidu nedovoljan nivo političke kulture i političkog obrazovanja kod mladih u Bosni i Hercegovini, Forum lijeve inicijative pokrenuo je projekte neformalne edukacije na polju politika za mlade, s posebnim fokusom na promociju osnovnih vrijednosti i principa socijaldemokratije. Jedan od takvih programaja Socijaldemokratski kratki otvoreni kurs (SKOK) koji predstavlja osnovni nivo edukacije za mlade o vrijednostima socijaldemokratije i o političkom aktivizmu.



Cilj SKOK edukacije je da osnaži mlade lijeve političke orijentacije kako da artikuliraju svoje zahtjeve prema političkim strankama ili donosiocima odluka.



Od 2007-2025. godine
u preko **40 gradova** širom Bosne i Hercegovine održane su SKOK edukacije na kojima je prisustvalo **više od 1.000** mladih društveno-političkih aktivista i aktivistkinja.



Osnovna ideja SKOK-a jeste jačanje političkog aktivizma kod mladih kao nosilaca pozitivnih društvenih promjena, kroz promociju temeljnih vrijednosti solidarnosti, slobode i jednakosti. Riječ je o jednodnevnom programu gdje mladi imaju priliku razgovarati sa SKOK edukatorima o položaju mladih u svojoj lokalnoj zajednici i potencijalima za njihovu afirmaciju.

Realizaciju ovog projekta od 2017. godine podržavaju Međunarodni Centar Olof Palme i Fondacija Friedrich Ebert u BiH.



ADNAN DRUŽIĆ

*bivši vijećnik u OV
Bosanski Petrovac*

SKOK edukator

“Pored formalnog obrazovanja, drago mi je što mladi u BiH imaju priliku da kroz neformalno obrazovanje nauče više o važnosti političkog uključivanja da li kroz aktivni politički angažman, da li kroz biračko pravo. Kroz edukacije u raznim gradovima u BiH vidio sam da postoje mladi koji žele graditi političko znanje i koji žele biti uključeni u kreiranje svoje budućnosti.”



MIRELA MEMIĆ

*zastupnica u Skupštini
Tuzlanskog kantona*

SKOK edukatorica

“Zahvaljujući prilici da razgovaram s mladim ljudima širom BiH o važnosti učešća u političkim procesima, vrijednostima socijaldemokratije kao i nužnosti jačanja kulture političkog dijaloga, bilo je zadovoljstvo svjedočiti snazi novih mladih, progresivnih ljudi spremnih da budu nosioci pozitivnih promjena na političkoj sceni BiH.”



DINO NIKŠIĆ

SKOK edukator

“SKOK edukacije pružaju mladima uvid u kompleksnost bosanskohercegovačkog političkog sistema i to na način koji rijetko možemo vidjeti u sferi neformalnog obrazovanja. Ta znanja su neophodna za izazivanje statusa quo, što je politički zadatak svake nove generacije.”



ALEN TUCAKOVIĆ

*autor omladinske javne
politike “Stanogradnja za
mlade u Kantonu Sarajevo”*

SKOK edukator



“Nakon niza predavanja koje sam održao na Socijaldemokratskom kratkom otvorenom kursu i druženju s našim mladim aktivistima iz raznih dijelova naše zemlje, više sam nego uvjeren da ideja socijaldemokratije ima svoje vjerne i aktivne sljedbenike, a da ova država ima svoju perspektivu. Vrijednosti slobode, jednakosti i solidarnosti uvijek će biti primjenjive i održive s ovakvom proaktivnom omladinom.”



**IRMA EFENDIĆ
ADŽAJLIĆ**

SKOK edukatorica



“Kao dugogodišnjoj aktivistici, Forum lijeve inicijative za mene predstavlja platformu koja omogućava povezivanje pojedinaca oko zajedničkih vrijednosti i vizije pravednijeg društva te potiče razmjenu ideja i iskustava u cilju stvaranja pozitivnih društvenih promjena.”



Politická škola – Youth Left Week

Koliko činimo kao društvo da obrazujemo mlade?



Politička škola – Youth Left Week program koji je nastao kao zajednički odgovor partnera na izazove političke pismenosti mladih u Bosni i Hercegovini. Kroz istraživanja i razgovore pokazalo se da mladi imaju poteškoća u razlikovanju izvršne i zakonodavne vlasti, da nisu upućeni u nadležnosti lokalnih zajednica, te da najniži nivo političke pismenosti imaju upravo mladi između 15 i 19 godina starosti. U saradnji sa stručnjacima, akademskim profesorima, aktivistima i predstavnicima izvršne i zakonodavne vlasti, osmislili smo silabus Političke škole tako da ojača kapacitete mladih za razumijevanje političkih procesa, razvoj kritičkog mišljenja te aktivno učešće u političkom životu.



*U periodu **2011-2025. godine** program Političke škole pohađao je **431 učesnik i učesnica** iz Bosne i Hercegovine koji su pokazali angažman u svojim lokalnim zajednicama.*



Kroz module Političke škole mladi imaju priliku učiti o osnovnim postulatima socijaldemokratije, o izbornom zakonodavstvu, pisanju i pokretanju lokalnih inicijativa te o rodnoj ravnopravnosti i zelenim politikama. Program uključuje i posjetu službenim institucijama poput Parlamentarne skupštine BiH i razgovor sa dužnosnicima, posjetu medijskim kućama i sindikatima.



IRFAN ČENGIĆ

*Načelnik Općine
Stari Grad Sarajevo*

UČESNIK

“Učešće u političkoj školi prije 15 godina bilo je jedna od prekretnica u mom profesionalnom razvoju. Kroz program sam stekao nova znanja i vještine koje su mi kasnije bile temelj u javnom djelovanju, ali jednako važno – upoznao sam veliki broj ljudi s kojima i danas dijelim saradnju i političke vrijednosti. Ta mreža kontakata i praktična iskustva pokazala su se neprocjenjivim u razvoju moje karijere i javnog angažmana.”



DAMIR FILIPOVIĆ

vijećnik u OV Novi Grad Sarajevo
gradski vijećnik u GV Grada
Sarajevo

PREDAVAČ

“Imao sam priliku predavati mladima iz Bosne i Hercegovine o javnim i zelenim politikama. Njihova strast i angažman za društvene promjene su ohrabrujući. Njihova aktivna participacija ukazuje na snagu generacije budućih lidera. Vjerujem da će doprinijeti stvaranju održivijeg društva, predstavljajući svijetlu nadu za budućnost.”



LANA PRLIĆ

zastupnica u PD Parlamenta
FBiH

PREDAVAČICA

“Bila sam polaznica Političke škole 2011. godine, a na prethodnoj Političkoj školi sam bila u ulozi panelistice gdje sam s mladim ljudima, novim snagama, imala priliku razgovarati o izazovima s kojim se suočavaju progresivne političke snage. Bila mi je iznimna čast i drago mi je da su mladi ljudi zainteresirani za ovaj vid razgovora i edukacije.”



ANEL IBELJIĆ

gradski vijećnik u GV Grada
Tuzla

PREDAVAČ

“Imao sam čast i zadovoljstvo da budućim liderima, odnosno osobama koji će donositi ključne odluke u različitim sferama života, održim predavanje o tome kako mlade osobe mogu djelovati na poboljšanje društvenih, ekonomskih i socijalnih prilika kroz institucije vlasti. Izrazito sam zadovoljan njihovim aktivnim učešćem što mi je bilo dovoljno da zaključim kako će nam budućnost biti sigurno prosperitetnija.”





JASMINA HASKIĆ
*bivša vijećnica u OV Novi
Travnik*
UČESNICA

“Bila sam učesnica Političke škole 2022. godine i moja iskustva u vezi s tim su zaista na zavidnom novou. Moje znanje je unaprijeđeno i potkrepljeno novim stvarima koje su mi od tada do sada umnogom poslužile. Od javnog nastupa, kreiranja javnih politika i sl. Pored informacionog dijela, mogu se pohvaliti na sticanju novih poznanstava i proširenju prijateljskih odnosa s ljudima iz različitih gradova. I zaista, ovaj program je jedan od najboljih programa koje sam imala s FLI-jem i FES-om i preporučila bih ga svim mladim ljudima.”





ALEKSANDAR HRŠUM

novinar i TV voditelj

PREDAVAČ

“Kao predavač/edukator iz prakse u oblasti medija, bilo je zadovoljstvo upoznati mlade ljude koji su tokom radionice o temama javni nastup, komunikacija s medijima, kako nemati tremu pred TV kamerama – bili više od učesnika. Vjerujem da će naučene lekcije i vještine o kojima smo komunicirali biti dio njihovog profesionalnog života. Svaki put se radujem novim druženjima i novim mladim licima koje okuplja Vaša organizacija jer je zadovoljstvo biti dio Vašeg tima.”



MUAMER MEKIĆ

vijećnik u OV Stari Grad Sarajevo
gradsaki vijećnik u GV Grada Sarajeva

PREDAVAČ



“Zadovoljstvo je bilo ugostiti mlade iz cijele Bosne i Hercegovine koji su iskazali interes za rad Gradskog vijeća Grada Sarajeva kao administrativne jedinice te za ingerencije Gradskog vijeća i gradonačelnice. Mladi ljudi su generatori promjena i moraju uzeti aktivno učešće u kreiranju političkog života i samom procesu donošenja odluka”



Akademija socijalne demokratije

Promjene ne počinju kada ih čekamo – one počinju kada ih mi pokrenemo.



Ideja za Akademiju socijalne demokratije nastala je iz uvjerenja da mladi ljudi imaju potrebu nakon pohađanja Političke škole da dodatno razviju svoja znanja i vještine, te da razvijaju svoju snagu u svrhu mijenjanja društva. Prethodna iskustva u organizaciji edukativnih programa ukazivala su na potrebu za dodatnom podrškom, znanjem i prostorom kako bi ideje mladih, budućih lidera i liderki, postale stvarnost. Zato je stvorena platforma koja povezuje mlade lidere, stručnjake i uspješne prakse – kako bismo zajedno gradili društvo u kojem svako ima jednaka prava i jednake mogućnosti.

Kroz program Akademija socijalne

demokratije mladi društveno-politički aktivisti imaju mogućnost da se upoznaju s konceptima i uspješnim praksama primjene vrijednosti socijalne demokratije u Evropi i svijetu. Cilj ovog programa je da se kroz rad sa stručnjacima doprinese boljem razumijevanju principa i vrijednosti socijalne demokratije u različitim oblastima društvenog djelovanja. Ovaj jedinstveni edukativni program neformalne edukacije osnažuje mlade da uzmu aktivno učešće u društvenim procesima i leaderske uloge u svojim zajednicama. Realizaciju ovog projekta od 2015. godine podržavaju Fondacija Friedrich Ebert u BiH te Fondacija Kalevi Sorsa iz Finske.



U periodu **2015–2025. godine** program Akademije socijalne demokratije pohađalo je **167 učesnika** iz Bosne i Hercegovine koji su se pokazali kao aktivni u svojim lokalnim zajednicama.





PREDRAG PUHARIĆ

zamjenik gradonačelnika Sarajeva

UČESNIK

“Kao polaznik prve Akademije socijaldemokratije 2015. godine, u organizaciji Foruma lijeve inicijative, nosim zaista dragocjeno iskustvo. Četiri modula – politička ekonomija, lokalna samouprava, politička komunikacija i savremena ljevica – pružila su mi znanja koja i danas koristim. Posebno bih pohvalio izuzetne predavače koji su na najbolji način uspjeli približiti teoriju i praksu. Podjednako važni bili su networking i druženje: s nekim dugoricama i

drugovima sam danas blizak prijatelj i redovno se viđamo. U političkom smislu, Akademija je imala presudan uticaj – vjerujem da sam upravo zahvaljujući tom iskustvu postao sekretar sarajevskog SDP-a. Deset godina poslije, još uvijek se sjetim pojedinih lekcija i primjenjujem ih u svom radu – najprije kao gradonačelnik, a danas kao zamjenik gradonačelnika Sarajeva”



ADMIR PIVIĆ

autor omladinske javne politike “Sistem podrške tranziciji bruća na Univerzitet”

UČESNIK

“Program koji vam može donijeti saznanja od najsitnijih detalja socijaldemokratije, do nekih osnovnih stvari. Pored svog znanja koje ćete definitivno steći, postoji mogućnost da sjedite do ljudi koji socijaldemokratiju žive u svojoj svakodnevici, prvenstveno mislim na izabrane i imenovane dužnosnike, u ovom ili u budućem periodu. Zsigurno edukacija koju ne smijete propustiti ukoliko se mislite baviti politikom u ovoj oblasti.”



SENAD ŠEHIĆ
vijećnik u OV
Maglaj

UČESNIK

“Učešće na edukativnim programima Foruma lijeve inicijative, posebno na Akademiji socijalne demokratije bilo je jedno od najvrednijih iskustava u mom dosadašnjem radu. Kroz kvalitetne i sadržajne radionice stekao sam znanja i vještine koje su mi bile izuzetno korisne u vijećničkom radu, ali i u svakodnevnom društveno-političkom djelovanju. Mnoge inicijative koje sam uspješno realizovao u lokalnoj zajednici temelje se upravo na iskustvima i alatima koje sam stekao kroz ove programe. Iskreno, preporučujem svima koji žele postati aktivni nosioci promjena u društvu da budu dio ovih edukacija.”



ARMIN HAMZIĆ
delegat u Vijeću
naroda Republike
Srpske

UČESNIK

“Imao sam priliku biti učesnik Akademije socijalne demokratije u organizaciji Foruma lijeve inicijative i Fondacije Friedrich Ebert BiH. Stekao sam znanja i vještine na polju kreiranja javnih politika, političkog i javnog nastupa, zagovaranja rješenja i uticaja medija te znanja i vještine iz drugih oblasti. Upoznao sam divne mlade ljude koji dolaze iz cijele Bosne i Hercegovine i veoma mi je drago da naši mladi učestvuju u ovakvim projektima i imaju priliku razvijati svoja znanja i vještine kroz ovakve edukacije.”



SAMIR AVDIĆ
zastupnik u
Skupštini Kantona
Sarajevo

UČESNIK

“Aktivnosti Foruma lijeve inicijative u kojima sam učestvovao, od prve generacije Akademije socijaldemokratije, preko Kluba mladih vijećnika i Kluba mladih lidera pa do mnogobrojnih drugih konferencija, seminara i panel-diskusija, te publikacija koju sam za potrebe mladih političara pisao, s jedne strane, izvor su lijepih uspomena i ogromnog broja poznanstava širom Bosne i Hercegovine dok su s druge strane to bile za mene veoma korisne aktivnosti i u smislu jačanja mojih ličnih vještina koje su mi potrebne za posao profesionalnog političara danas.”



EKREM SARAJLIĆ
bivši vijećnik u OV Vitez
UČESNIK

“Akademija socijalne demokratije predstavlja čvrst temelj za razumijevanje i razvoj ideje socijaldemokratije, bez obzira na to da li se bavimo politikom ili djelujemo kao društveni aktivisti. Kroz sjajne predavače i inspirativne teme, Akademija mladima otvara nove perspektive o suštini i vrijednostima moderne socijaldemokratije.”



Prof. dr. ALEKSANDAR SPASOV

Pravni fakultet “Iustinianus Primus” Univerzitet u
Skoplju

PREDAVAČ

“Imao sam čast s polaznicima Akademije socijalne demokratije podijeliti svoja razmišljanja o konceptu dobrog društva, koji je, u svojoj suštini, pokušaj pozicioniranja i obnove socijalne demokratije u doba sve veće polarizacije i radikalizacije naših društva. Nama, na Zapadnom Balkanu, koncept dobrog društva je način kako progresivne politike mogu oponirati primitivnom nacionalizmu koji već decenijama onemogućava razvoj naših zajednica. U tom smislu, bilo mi

je veoma drago čuti razmišljanja i razgovarati s polaznicima kako možemo iskoristiti ovaj koncept i adaptirati ga uslovima u kojima živimo kako bi socijaldemokratske stranke bile atraktivan izbor za glasače. Akademija socijalne demokratije FLI-ja i FES-a u BiH je izvanredan projekt koji okuplja mlade angažovane ljude, političare i eksperte u cilju kritičkog promišljanja naše stvarnosti s ciljem izgradnje bolje budućnosti.”



dipl. soc. radnica Mirela Šuman

Caritas Švicarske

PREDAVAČICA

“Izuzetno mi je zadovoljstvo vidjeti da mladi ljudi teže stvaranju inkluzivnog obrazovanja, usmjerenog na svakoga pojedinca. Samo stvaranjem uslova u kojem svaki pojedinac može dati svoj puni potencijal, stvaramo inkluzivno okruženje. Inkluzivno obrazovanje, ne samo da potiče individualni razvoj već i gradi temelje za

tolerantno i raznoliko društvo. Kroz pružanje jednakih mogućnosti svim pojedincima, a to se upravo čini i kroz program Akademije socijalne demokratije, stvaramo društvo koje cijeni različitosti i omogućava svakome da doprinese svojim jedinstvenim sposobnostima.”



Prof. dr. ALIJA KOŽLJAK

šef kabineta člana Predsjedništva BiH

PREDAVAČ

“Bilomi je zadovoljstvo što sam bio jedan od predavača izvrsnim mladim ljudima iz Bosne i Hercegovine na temu Perspektiva NATO integracija. Izuzetno sam iznenađen visokim nivoom interesovanja, te znanja i svijesti o ovoj aktuelnoj temi, što jasno potvrđuje njihovu želju, ali i interes da budu dio procesa i promjena, sve u cilju progresa naše države i dobrobiti društva u cjelini.”



Prof. dr. Nerzuk Ćurak

*Fakultet političkih nauka
Univerzitet u Sarajevu*

PREDAVAČ



“Održao sam nekoliko javnih predavanja za polaznike Akademije socijalne demokratije u organizaciji Fondacije Friedrich Ebert BiH i Foruma lijeve inicijative. Različite grupe, isti osjećaj: mladi i talentovani ljudi iz cijele Bosne i Hercegovine, silno zainteresirani za teme iz unutrašnje i međunarodne politike s uvjerenjem da mogu pozitivno uticati na društvene promjene. Ohrabrujem ih da nastave širiti područje socijaldemokratske borbe.”

Socijaldemokratska akademija rodne ravnopravnosti

Ostvarujemo snove mladih – gradimo jednake šanse za život za sve građane i građanke BiH.



“Rodna ravnopravnost nije privilegija – to je temeljno ljudsko pravo.”

Ponekad promjena počinje tihim pitanjem: “Zašto jedni imaju više mogućnosti od drugih samo zato što su rođeni kao dječaci ili djevo-

jčice?” Upravo to pitanje bilo je iskra koja je pokrenula ideju za Socijaldemokratsku akademiju rodne ravnopravnosti. Shvatili smo da rodna ravnopravnost nije samo pojam, nego stvarnost koju moramo zajedno graditi. Vidjeli smo prepreke, čuli priče o nepravdama i uvidjeli da ipak ima diskriminacije na rodnoj osnovi. Iz svega navedenog, osjetili smo potrebu da mladima osiguramo prostor

za nadogradnju i mjesto gdje će se njihov glas i mišljenje uvažiti jer – vjerujemo, da samo obrazovanjem i transparentnošću rušimo predrasude, mijenjamo stavove i gradimo društvo jednakih mogućnosti.



*U periodu **2017-2025. godine** program Socijaldemokratske akademije rodne ravnopravnosti pohađalo je **174 učesnika** iz Bosne i Hercegovine koji su se pokazali aktivnim u svojim lokalnim zajednicama.*



Opšti cilj Socijaldemokratske akademije rodne ravnopravnosti je povećanje znanja i razumijevanja principa rodne ravnopravnosti u političkom djelovanju i borba protiv rodno zasnovanog nasilja. Ovaj edukativni program usmjeren je na osnaživanje kapaciteta društveno-političkih aktivista i aktivistkinja u bh. društvu što predstavlja veoma značajan korak u umrežavanju aktivista u politici i poticanju njihovog aktivnog političkog angažmana.



EMIR BEGOVIĆ

FLI aktivista

UČESNIK

“Tema Uloga i uticaj žena na politički dijalog u BiH je jako važna tema u našem društvu koje prolazi kroz tranziciju. U razvijenim društvima žene također doživljavaju nemile scene, ali za razliku od onih društva u tranziciji, taj problem se vrlo brzo i efikasno riješi. Smatram da je ova edukacija bila vrlo korisna. Drago mi je što je na njoj učestvovalo i nas nekoliko muškaraca jer se ova tema tiče svih.”

Kroz projektne module koji se realizuju širom Bosne i Hercegovine, cilj je promovirati ljudska prava, demokratiju i rodnu ravnopravnost u društvu. Realizaciju ovog projekta od 2017. godine podržava Međunarodni Centar Olof Palme iz Švedske te Fondacija Kalevi Sorsa iz Finske.





SELVIRA VILIĆ

vijećnica u OV Stari Grad
Sarajevo

UČESNICA

“Učešće na Akademiji rodne ravnopravnosti u organizaciji FLI-ja je iskustvo koje je značajno doprinijelo mom ličnom i političkom razvoju. Tokom programa, kroz predavanja, radionice i diskusije s predavačima i učesnicima iz različitih sredina, stekla sam dublje razumijevanje o rodnoj perspektivi u politici, javnim politikama i svakodnevnom društvenom životu. Posebno mi je značajno bilo učenje o mehanizmima borbe protiv rodne diskriminacije, te o načinima na koje političke partije i institucije mogu unaprijediti ravnopravnost u praksi, a ne samo na papiru. Ova akademija mi je pomogla da razvijem vještine i znanja koja primjenjujem u svom političkom djelovanju, prije svega u zagovaranju jednakih mogućnosti, osnaživanju mladih žena i prepoznavanju važnosti inkluzivnih politika. Dodatno, mreža ljudi i ideja koju sam kroz program izgradila predstavlja dragocjenu podršku u mom daljnjem angažmanu. Vjerujem da je ulaganje u ovakve programe ulaganje u društvo jednakih šansi i zahvalna sam FLI-ju na prilici da budem dio Akademije koja osnažuje lidere/ke da mijenjaju političku kulturu na bolje.”



**prof. LEJLA RAMIĆ
MESIHOVIĆ**

Internacionalni Burch Univerzitet

PREDAVAČICA



“Socijaldemokratska akademija koju organizuje FLI, predstavlja ključan instrument jačanja demokratskih kapaciteta i ostvarivanja rodne ravnopravnosti u Bosni i Hercegovini. Socijaldemokratija, kao politička filozofija temeljena na socijalnoj pravdi, solidarnosti i jednakim mogućnostima, optimalna je osnova našeg kolektivnog djelovanja. FLI je otvorio prostor za kritičku refleksiju i osnaživanje i unapređenje aktivizma. Sudionice i sudionici preuzimaju aktivnu ulogu, preispituju ustaljene norme i postaju nositelji suštinskih promjena. A to je neprocjenjivo.”

**ANIDA
ŠABANOVIĆ**

EDUKATORICA



“Kao edukatorica na Socijaldemokratskoj akademiji rodne ravnopravnosti, imala sam priliku raditi s mladima i ženama koje žele aktivno doprinositi svojoj zajednici. Kroz predavanja i razgovore dijelila sam praktična iskustva iz javnog djelovanja i rada s ljudima, nastojeći ih ohrabriti da prepoznaju svoj potencijal i preuzmu inicijativu u onome što ih pokreće. Posebno mi je bilo vrijedno vidjeti koliko im ovakvi programi pomažu da se povežu, razmjene ideje i steknu nova znanja.”

Mentoring program: političko osnaživanje žena

Da li su žene u politici samo radi broja?



Iako su u Bosni i Hercegovini preduzete sve potrebne zakonske mjere, posebno uvođenjem kvota u Izborni zakon BiH i donošenjem Zakona o ravnopravnosti spolova u Bosni i Hercegovini, još uvijek nije dovoljno učešće žena u političkom životu Bosne i Hercegovine. One su i dalje na marginama političke moći, bez stvarnog uticaja na formulisane i provođenje politika. Analizirajući evaluacije naših programa i utiske naših učesnika, mnogi od njih su istakli kako smatraju da u BiH nema previše žena u politici, te da bi one sigurno dale veliki i pozitivan doprinos razvoju bh. društva kada bi im se pružila prilika. Iz prethodne saradnje s Fondacijom Friedrich Ebert u BiH i stručnjacima na sličnim pitanjima, odlučili smo pokrenuti Mentoring program: političko osnaživanje žena. Budući da program traje već šestu godinu zaredom, zabilježili smo

povećan broj izabranih vijećnica i zastupnica na izborima koje su upravo prošle naš program Mentoringa. Neke od njih su osvojile i drugi vijećnički/zastupnički mandat te su sada mentorice svojim mlađim kolegicama.



U periodu **2020-2025. godine** Mentoring program je pohađalo ukupno **125 žena** iz cijele Bosne i Hercegovine.





ARMINA BEČIĆ

vijećnica u OV Žepče

UČESNICA



“Svim mladim ženama koje žele da se bave društveno-političkim aktivizmom preporučujem edukativne programe Foruma lijeve inicijative. Programi su sadržajni i odgovaraju savremenim potrebama žena koje žele osnažiti svoje kapacitete u političkom dijalogu. Stečena znanja i vještine uvijek možete koristiti u realizaciji projekata u svojoj lokalnoj zajednici, ali i stečena iskustva u svom daljnjem profesionalnom i ličnom razvoju.”



ANITA MARKANOVIĆ

*zastupnica u Skupštini
Srednjobosanskog kantona*

UČESNICA

“Sudjelovanje u FLI mentoring programu za mene predstavljalo je priliku za daljnji profesionalni i osobni razvoj. Kroz mentorsku podršku i praktične alate ovaj program je doprinio mom političkom djelovanju i osnaživanju javnog nastupa. Razmjena iskustava među učesnicama i zajednički rad bio je važan poticaj za aktivnije sudjelovanje u društvenim i političkim procesima. Program sam vidjela kao prostor koji doprinosi većoj vidljivosti i afirmaciji žena u javnom životu.”



VEDRANA PETROVIĆ

*zastupnica u Skupštini
Tuzlanskog kantona*

UČESNICA



“Prekretnica u mom ličnom i profesionalnom razvoju bio je program Političko osnaživanje žena. Kroz interaktivan pristup i podršku mentorica, stekla sam dublje razumijevanje o ulozi žena u donošenju odluka i važnosti solidarnosti među ženama u politici. Posebno mi je značilo umrežavanje s učesnicama koje dijele slične vrijednosti i viziju društvene pravde. To iskustvo mi je dalo dodatnu motivaciju da nastavim djelovati hrabrije, glasnije i s više samopouzdanja.”



SELMA BARIĆ

vijećnica u OV
Ilijaš

UČESNICA

“Sudjelovanje u Mentoring programu: Političko osnaživanje žena za mene je bilo iskustvo koje je oblikovalo moj način razmišljanja i djelovanja u javnom prostoru. Kroz mentorsku podršku, praktične radionice i susrete s inspirativnim ženama iz različitih sfera društva, stekla sam sigurnost, znanje i alate potrebne za aktivnije uključivanje u političke procese. Program mi je pomogao da prepoznam vlastiti potencijal i da vjerujem da promjene započinju onda kada žene preuzmu odgovornost i prostor koji im pripada.”



AZRA OKIĆ

zastupnica u Predstavničkom
domu Parlamenta FBiH

UČESNICA



“Želim zahvaliti Forumu lijeve inicijative koji, između ostalog, radi neumorno i na osnaživanju žena, i to, u kontinuitetu svih 17. godina postojanja. Zahvaljujući vašim programima za žene, većini nas, vratili ste samopouzdanje, pomogli da više vjerujemo u sebe, pomogli da spremno koračamo naprijed i stvaramo bolje sutra - i za nas i za društvo u kojem živimo. Naime, naučili ste nas da samo zajedno možemo graditi društvo jednakih mogućnosti.”



AMILA HODŽIĆ

zastupnica u Skupštini Tuzlanskog kantona

UČESNICA

“Želim izraziti svoju iskrenu zahvalnost Forumu lijeve inicijative na organizaciji Mentoring programa za političko osnaživanje žena. Učešće u ovom programu bilo je transformirajuće za mene, pružajući mi, ne samo znanje o političkim procesima već i esencijalnu dozu samopouzdanja za aktivno uključivanje. Posebno cijenim što je program

naglasio važnost solidarnosti i umrežavanja žena u politici, dajući mi osjećaj pripadnosti i jake podrške. Na Mentoring programu sam stekla konkretne alate i vještine te me osnažilo da se još odlučnije borim za ostvarenje ciljeva rodne ravnopravnosti. Hvala Vam što ulažete u kreiranje buduće generacije snažnih i osviještenih liderki!”

**Klub mladih
vijećnica i
vijećnika**

**Klub mladih
liderki i lidera**

„Znanje je jedino bogatstvo koje ti niko ne može oduzeti.“

Sve je počelo na jedan vrlo neuobičajen način krajem 2016. godine. Projekat Klub mladih vijećnika i vijećnica je pokrenut kao odgovor mladih na aktuelno društveno stanje i letargičan odnos lokalnih vlasti prema njima. Prvi modul na temu rodne ravnopravnosti zbog nedovoljnih saznanja učesnika mogao je završiti incidentom, ali na sreću nije. Taj događaj nam je bio pokazatelj da postoji izrazita potreba da se upravo ovaj projekat nastavi razvijati, jer smo uvidjeli da, iako smo na istoj strani, strani pravednih i jednakih rješenja i zalaganja za unapređenje rodne ravnopravnosti, ipak postoji potreba za uvođenjem ove teme u javni diskurs u bh. društvu.



Analitički podaci za **2020. godinu** ukazuju da je doseg pojedinačnih KML objava na društvenim mrežama bio od **7.200 do 20.000 pregleda!** Aktivnosti

Kluba su postale vidljive i pozitivno praćene kako u online prostoru, tako i u široj javnosti.



Mlade vijećnice i vijećnici koji su inicijalno pristupili projektu bili su izabrani na lokalnim izborima 2016. godine, a kroz program trebali su dobiti znanja i vještine za obavljanje vijećničkih poslova i time doprinijeti rješavanju problema u svojim lokalnim zajednicama. Aktivnosti edukacije podrazumjevale su održavanje četiri modula godišnje, a teme koje su obrađivane bile su u kontekstu aktuelnih dešavanja i stvarnih potreba da bi vijećnici i aktivisti bili osposobljeni da budu istinski predstavnici mladih u organima zakonodavne vlasti, te da iniciraju, zagovaraju, lobiraju i direktno sudjeluju u implementaciji mjera i politika, ne samo za mlade već i za cjelokupno stanovništvo date sredine.

Klub mladih vijećnica i vijećnika je od svog osnivanja brojao **preko pedeset mladih žena i muškaraca.**



Nakon dvije godine implementacije projekta, krajem 2018. godine Klub mladih vijećnika i vijećnika (KMOV) je prerastao u Klub mladih liderki i lidera (KML) kao nastavak i nadogradnja postojećih aktivnosti. Klub mladih liderki i lidera okupljao je mlade zastupnike/ice, vijećnike/ice i aktiviste/ice lijeve političke orijentacije koje su radili na iniciranju, zagovaranju i implementaciji politika i inicijativa od interesa za mlade u Bosni i Hercegovini uz podršku mentora i asistenata. Važan dio programa, pored mentorstva, bila je i organizacija javnih diskusija o aktuelnim pitanjima. U okviru projekata organizovane su i studijske posjete pa su tako članovi i članice Kluba imali priliku putovati i razmijeniti iskustva s mladima iz Austrije, Švedske i Makedonije.



ISMET LULIĆ

zastupnik u Skupštini Hercegovačko-neretvanskog kantona

UČESNIK

“Sudjelovanje u edukacijama Kluba mladih vijećnika te drugim programima u organizaciji Foruma lijeve inicijative imalo je izuzetno važnu ulogu u mom političkom i ličnom razvoju. Kroz sistematičan rad, mentorstvo i razmjenu iskustava, stekao sam ključne kompetencije koje danas primjenjujem u javnom djelovanju. Osim stručnog usavršavanja, ove aktivnosti omogućile su mi povezivanje s velikim brojem mladih i perspektivnih pojedinaca iz različitih sredina što je dodatno proširilo moj pogled na politički i društveni angažman. Zahvaljujući tim iskustvima, izgradio sam čvrste temelje za daljnji razvoj u ulozi mladog političkog aktera.”

AIMAN SAWANDA

vijećnik u OV Sanski Most

UČESNIK



“Zahvaljujući sudjelovanju u FLI programima, značajno sam unaprijedio svoje znanje i vještine, što se direktno odrazilo na moj društveno-politički angažman. Programi su bili sadržajni, inspirativni i fokusirani na konkretne izazove, što ih čini izuzetno vrijednim iskustvom za svakoga ko želi profesionalno napredovati.”



AMELA JUSUFOVIĆ

aktivistica za zaštitu
životne okoline

UČESNICA



“Edukativni programi Foruma lijeve inicijative su doprinijeli razvoju političke karijere, ideološkog opredjeljenja i odlučnom djelovanju u aktivizmu u zajednici, desetinama mladih ljudi u Bosni i Hercegovini. Programi KML kao i KML su meni, kao učesnici, pružili mnoge perspektive u razumijevanju kompleksnog bosanskohercegovačkog društva, ponudili brojne stručne i korisne kontakte i oblikovali moj način djelovanja i rada. Smatram važnim dostupnost programa FLI-ja, otvorenost i prostor za razvijanje kritičkog mišljenja u vrijeme kompleksne političke situacije i izgubljenih mladih ljudi u takvoj svakodnevnicu.”



MIRZA ALIJAGIĆ

bivši vijećnik u OV Ilidža

UČESNIK

“Kroz edukacije i radionice u organizaciji Foruma lijeve inicijative stekao sam ogromno znanje i iskustvo koje mi je pomoglo u mom političkom i profesionalnom angažmanu. Seminari ovakve vrste su me obogatili za poznanstva s drugim učesnicima s kojima se i dan-danas družim i saradujem na raznim poljima.”



ADNAN HABIBIJA

ministar unutrašnjih
poslova Unsko-sanskog
kantona

UČESNIK

“Klub mladih liderki i lidera mi je pomogao da upoznam sjajne mlade ljude širom naše države koji u svojim lokalnim zajednicama promovišu društveno odgovorne projekte, koji pomažu građanima u svakodnevnom životu. Posebno sam ponosan kada vidim veliki broj mladih koji su od aktivista postali vijećnici, a od vijećnika postali zastupnici, ministri, gradonačelnici.”



DEALA BEĆIROVIĆ HELEZ

vijećnica u OV Bugojno

UČESNICA

“Na edukacijama Foruma lijeve inicijative mladima se pruža prilika sticanja znanja i vještina iz onih oblasti o kojima nemamo priliku puno naučiti u formalnom obrazovanju i svakodnevnom životu. Moj politički angažman počinje vijećničkim mandatom od 2020. godine kada sam izabrana u OV Bugojno bez prethodnog političkog iskustva. Tokom tog perioda bila sam dio Kluba mladih vijećnika i vijećnica, a potom i Kluba mladih lidera i liderki. Kroz te programe stekla sam vrlo važne vještine, pogotovo vještine vezane za javni nastup, koje su oblikovale i unaprijedile moj politički put. Pored vještina na tom putu bili su i ljudi, prijatelji i poznanstva koja sam ostvarila.”



Youth Leadership HUB

Mladi nisu budućnost – oni su sadašnjost koja mijenja budućnost.



Ideja za ovaj projekat proizašla je iz potrebe da se mladim ljudima pruži prostor, znanje i podrška kako bi njihovi glasovi postali snažniji, a njihove inicijative vidljivije u društvu, ali i u online medijima. Uvidjeli smo koliko je mladih vijećnika i vijećnica dobilo povjerenje građana, ali i koliko im nedostaje alata i znanja



Rezultat aktivnosti jeste povećano interesovanje građana za interesantne i važne inicijative, te predložene mjere i **rješenja za ključne probleme** u lokalnim zajednicama u Bosni i Hercegovini.

da to povjerenje pretvore u konkretne promjene u svojim zajednicama. Željeli smo im pomoći da nauče komunicirati sa svojim ciljnim grupama, da kreiraju prijedloge javnih politika, da pišu inicijative i koriste zakonodavne procedure na pravi način – jer kada su mladi osnaženi, osnaženo je i društvo!

Na programu Youth Leadership HUB učestvovalo je preko **50 mladih** vijećnica i vijećnika te društvo-političkih aktivista/kinja.



Tokom trajanja projekta, učesnici i učesnice su imali mogućnost da uz pomoć stručnog mentora izrade akcioni plan za rad u svojim lokalnim zajednicama i na taj način adekvatno promovišu svoj rad u široj javnosti kroz upotrebu društvenih mreža i političkog marketinga. Ovaj projekat je također bio namijenjen i mladim političkim aktivistima koji su imali priliku naučiti osnove zakonodavnih procedura u svojim lokalnim zajednicama, te kako ih adekvatno koristiti u cilju poboljšanja života građana. Upućene i realizovane inicijative mladih vijećnika i vijećnica predstavljane su jednom godišnje u Youth Leadership HUB Bookletu kao i na društvenim mrežama Foruma lijeve inicijative. Realizaciju ovog projekta 2021-2023. godine podržavao je Međunarodni centar Olof Palme iz Švedske.



JASMIN DUHERA

vijećnik u OV Maglaj

UČESNIK



“Kao učesnik Youth Leadership HUB-a mogu reći da je navedeni program odlična polazna osnova za sve mlade koji žele da se aktivno uključe u društvene procese. Vještine i znanja koje steknemo s iskusnim predavačima su čvrst temelj i polazna osnova za ulazak u svijet politike i društvenih odnosa, te nam pružaju mogućnost da bolje razumijemo mehanizme pomoću kojih možemo dati svoj doprinos zajednici. Svakako bih preporučio svim mladim ljudima da se priključe ovakvom jednom programu kako bi usavršili svoja znanja i vještine koje će im koristiti u budućnosti.”



**SELVER
ZEĆIROVIĆ**
vijećnik u OV Ilidža
UČESNIK

“Kažu da edukacija nikad nije dosta. To se s FLI-jem odlično potvrdilo. Taman kada pomislite da ste stekli dovoljno znanja u nekoj oblasti, savladali sve što možete, onda odete na edukaciju Foruma lijeve inicijative i shvatite da to nije istina. Meni su njihove edukacije nebrojeno puta pomogle i često sam u praksi primijenio znanja stečena upravo tu.”

TARIK HALILOVIĆ
gradski vijećnik u GV
Grada Visoko
UČESNIK



“Forum lijeve inicijative je inspirativna organizacija koja pomaže mladim ljudima koji žele da uče o političkim procesima i budu uključeni u njih. Kroz Youthleader HUB program mladi zasigurno mogu steći korisna znanja i vještine koje će moći primijeniti u svojoj svakodnevnicu.”



Policy Lab

Policy Lab – prostor za saradnju i inovativno kreiranje politika

Program FLI Policy Lab pokrenuli smo 2019. godine u saradnji s Fondacijom Friedrich Ebert u BiH kao jedinstvenu platformu osmišljenu da podstakne inovativna istraživanja o potrebama građana u lokalnim zajednicama, te da ponudi podršku i stručno mentorstvo autorima u izradi praktičnih javnih politika. Policy Lab smo primarno usmjerili na razvoj javnih politika, a što također uključuje i rad i izradu zakonskih i podzakonskih akata koji prate razvoj prijedloga javnih politika.

Sastavni dio ovog projekta čini promocija javnih politika kroz organizaciju panela, okruglih stolova i konferencija gdje se



ostvaruje direktan kontakt i razmjena mišljenja s građanima o inicijativama i drugim zakonskim i podzakonskim aktima koje su pripremljeni kroz dokumente javnih politika.

Pokazali smo da Policy Lab predstavlja moderan, participativan i eksperimentalan način izrade javnih politika koji vodi ka održivijim, efikasnijim i inkluzivnijim rješenjima za zajednicu. Ponosni smo na rezultat koji smo postigli djelujući kroz Policy Lab i uz partnersku podršku kreirali preko stotinu javnih politika, inicijativa i dokumenata, od čega trećinu čine mladi autori i autorice iz BiH i regiona.



Izdvojiti ćemo neke od njih:

- Perspektiva zelenih gradova u BiH;
- Reguliranje pitanja studentskog rada u BiH; Sistem minimalne plate u EU sa osvrtom na BiH;
- Zapošljavanje osoba sa invaliditetom; Radno iskustvo svima; Socijaldemokratska ekonomska politika u doba krize;
- Izazovi i perspektive modernizacije poljoprivredno-prehrambenog sektora u BiH;
- Uloga predškolskog odgoja i obrazovanja u pružanju jednakih životnih šansi;
- Investiranje u nerazvijena područja FBiH;
- Unapređenje komunikacije sa građanima/kama-Sistem 48;
- Upravljanje javnim zelenim površinama;
- Inkluzivne lokalne zajednice.

Realizaciju projekata od 2019. godine podržavaju Fondacija Friedrich Ebert u BiH, Fondacija Kalevi Sorsa iz Finske, Laburistička partija Velike Britanije i Međunarodni centar Olof Palme iz Švedske.





Policy Lab sada je dostupan i u online formatu

Skeniraj za više detalja

A woman in a dark suit and red necklace stands in front of a classical building with large columns. The image is overlaid with a semi-transparent red filter.

Policy Development Training

Potrebno je da budemo promjena sami sebi, a onda možemo mijenjati i društvo.



Za mogućnost nadogradnje naših edukativnih programa koji su bili fokusirani na mlade izabrane dužnosnike stvorili su se uslovi u vidu pokretanja novog programa: uvezivanje mladih društveno-političkih aktivista s predstavnicima lokalnih vlasti kroz kreiranje prijedloga omladinskih javnih politika. Cilj nam je bio da mlade ljevičare upoznamo s idejom izrade javnih politika i svega što je vezano uz ovaj proces kako

bismo podstakli uključivanje mladih aktivista u proces rješavanja problema kroz izradu i zagovaranje javnih politika. U saradnji sa stručnjacima za pisanje javnih politika, pažljivo smo pristupili izradi silabusa kako bismo zainteresovanima ponudili sve odgovore na pitanja o javnim politikama, s fokusom na izradu javnih politika, dobre primjere prakse zagovaranja javnih politika i pokretanje građanskih inicijativa.



Trening izrada omladinskih javnih politika pohađalo je preko **65 učesnika/ica**, od kojih su oni najbolji mogli pokazati svoje stečeno znanje i u ulozi samih **autora javnih politika**.

Uz mentorsku podršku Foruma lijeve inicijative mladi autori i autorice kreirali su preko 20 omladinskih politika od kojih ćemo spomenuti nekoliko:

- Stambeno zbrinjavanje mladih u Kantonu Sarajevo;
- Stambena politika i mladi u Kantonu Sarajevo; Sigurno u školu;
- Postavljanje rasvjete i sigurnosnih kamera na dječija i sportska igrališta u cilju povećanja sigurnosti;
- Od ideje do biznisa;
- Mostar za mlade; Parkiraj i ti, Siguran korak;
- Rekonstrukcija trga ZAVNOBiH-a;
- Sigurnost ne može da čeka – Radnička ulica nas treba;
- Sistem podrške tranzicije bruća na Univerzitet; Renesansa sporta u Gradu Zenica;
- Sistemsko rješavanje problema saobraćaja u mirovanju;
- Plan za oživljavanje rubnih mjesnih zajednica opštine Ilidža;
- Naslijeđe kao resurs opštine Ilidža; Strateški razvoj turizma u opštini Sanski Most;
- Značaj zelenih površina u opštini Novo Sarajevo.

Realizaciju ovog projekta od 2020. godine podržava Fondacija Kalevi Sorsa iz Finske.



MALIK GARIBIJA

*stručnjak za izradu javnih politika
i mentor na Treningu za izradu
omladinskih politika*

MENTOR

“Kreirati javne politike, pronalaziti rješenja za kompleksne izazove s kojim se društvo suočava, zagovarati ta rješenja i implementirati ih, kreativan je i ključan zadatak svih koji služe ili žele služiti zajednici, bilo kroz političke ili nevladine organizacije. Stoga je bilo zadovoljstvo raditi s mladima koji imaju želje da doprinesu razvoju boljeg društva i države.”





MIROSLAV ŽIVANOVIĆ

stručnjak za izradu javnih politika i mentor na
Treningu za izradu omladinskih politika

MENTOR

“Budućnost Bosne i Hercegovine biće određena i usmjerena kvalitetom pripreme i provođenja njenih javnih politika. Forum lijeve inicijative je prepoznao značaj javnih politika i od početka svog djelovanja neumorno radi na izgradnji kapaciteta mladih aktivista i aktivistica u pisanju i izradi prijedloga javnih politika. Programi Foruma lijeve inicijative dali su generacije mladih s neophodnim znanjima i vještinama koje im omogućavaju da

prepoznaju ključne društvene probleme i izazove te upravljaju procesima koji vode ka oblikovanju rješenja uočenih problema i mjera kojima ih je moguće otkloniti. Zahvalan sam na ukazanom povjerenju i mogućnosti da budem dio tima Foruma lijeve inicijative u plemenitoj misiji podrške mladim ljudima u njihovom naporu da izgrade svoju ekspertizu u oblasti javnih politika.”



LAMIJA DŽOMBA

autorica javne
politike

UČESNICA

“Trening je bio izuzetno koristan i informativan, nudeći dubok uvid u kompleksne procese izrade javnih politika. Kroz veoma dinamične aktivnosti i stručne prezentacije, stekli smo konkretne vještine i znanja, iznjedrili nove ideje i pronašli kreativna rješenja.”



ARNES JELEČ

autor javne
politike

UČESNIK

“Imao sam priliku raditi s drugim vrijednim mladim ljudima i učiti o javnim politikama, te pisati iste kako bismo pomogli našoj lokalnoj zajednici.”



AJLA GAŠI

autorica javne
politike

UČESNICA

“Sudjelovanje na treningu Izrada javnih politika omogućilo mi je sticanje značajnih znanja i vještina. U budućnosti, nadam se uspješnoj primjeni stečenih saznanja u razvoju učinkovitijih politika za mlade. Zajedno gradimo bolje sutra!”



Digitalizacija i AI tehnologija



Većina opština u Bosni i Hercegovini ima izrađene i usvojene planove i strategije razvoja zajednice. Međutim, takvi dokumenti najčešće nisu dovoljno jasno i razumljivo

predstavljeni građanima, privrednicima i aktivistima na način koji bi pokazao da će sprovođenje tih planova donijeti napredak i benefite. Ustaljen način prezentovanja vizije

zajednice doveo je do sve manjeg interesovanja građana da učestvuju u kreiranju i sprovođenju javnih politika sadržanih u tim dokumentima. Prvi put u Bosni i Hercegovini, Forum lijeve inicijative uz partnersku podršku pokrenuo je pilot projekat: Vizualizacija opštinskih projekata, strategija i inicijativa uz upotrebu vještačke inteligencije (AI).



Oslanjajući se na višegodišnje iskustvo u radu s različitim društvenim grupama i donosiocima odluka, predstavnicima zakonodavne i izvršne vlasti kreirali smo projekat Vision4Dem koji ima za cilj podstaći političku participaciju građana u lokalnim zajednicama. U saradnji s lokalnim političkim akterima, najprije načelnicima opština i vijećnicima, organizovali smo niz radionica na kojima smo prikazali uspješne prakse korištenja tehnologije za vizualizaciju opštinskih razvojnih planova i strategija. Ovim projektom pokazali smo da je moguće koristiti inovativne tehnologije u svrhu transparentnijeg rada, povećanja inkluzije i jačanja komunikacije s građanima.

Realizaciju projekata od 2024. godine podržava Laburistička partija Velike Britanije.





Pravedna energetska tranzicija u regijama bogatim ugljem u Bosni i Hercegovini

Energetska tranzicija u BiH: između izazova i prilika

Bosna i Hercegovina, kao i cijela regija Balkana, nalazi se pred velikim izazovom: transformacija elektro-energetskog sektora i prelazak na proizvodnju energije dobijenu iz obnovljivih izvora energije do 2050. godine. U trenutku kada su energetska politika i sigurnosna politika na Zapadnom Balkanu postali prioritetna pitanja za EU, Bosna i Hercegovina je napravila hrabar iskorak ka održivoj budućnosti i još jednom potvrdila svoju odlučnost da nastavi put ka klimatskoj neutralnosti, dekarbonizaciji i pravednoj tranziciji.



Istraživanjem javnog mnijenja u BiH, uvidjeli smo da svijest o zelenoj tranziciji nije na zadovoljavajućem nivou te da u regijama čija se privreda uglavnom oslanja na proizvodnju uglja, stanovništvu nije blizak koncept energetske tranzicije. Naprotiv, ovaj termin u medijima često izaziva strah i neizvjesnost među rudarima i njihovim porodicama.



Koristeći regionalnu i evropsku mrežu partnerstava, Forum lijeve inicijative pokrenuo je pilot-projekat 2022. godine s partnerima iz Kraljevine Danske koja se pozicionirala kao globalni lider u prelazu na obnovljivu energiju. Kroz studijsku posjetu i razgovor sa stručnjacima i predstavnicima iz Danske ostvarili smo saradnju i upoznali se s uspješnim praksama za postizanje energetske sigurnosti i održivosti.

Stoga, pokrenuli smo niz partnerskih aktivnosti kao što su sastanci predstavnicima sindikata rudara i radnika kako bismo radili na promociji energetske tranzicije koja



uključuje i socijalnu komponentu: energetska tranzicija mora biti pravedna za sve društvene grupe.

Provođenjem istraživanja o stanju u rudnicima u FBiH, održavanja strateških energetskih sastanaka s predstavnicima izvršne i zakonodavne vlasti te nadležnih ministarstava, nastojali smo proces energetske tranzicije približiti lokalnim zajednicama, ali i društveno-političkim aktivistima.



U periodu 2022–2025. godine održali smo nekoliko panela i konferencija kao što su Zelene politike u lokalnim zajednicama i Pravedna tranzicija u Bosni i Hercegovini na kojima je prisustvovalo više od stotinu učesnika, stručnjaka, predstavnika lokalnih vlasti, dužnosnika, predstavnika akademske zajednice, predstavnika nevladinog sektora te privrednika i sindikata. Za potrebe promotivnih aktivnosti na društvenim mrežama izradili smo nekoliko serijala infografika, a u sklopu programa Policy Lab, uz partnersku podršku i nekoliko javnih politika o važnosti obnovljivih izvora energije, od kojih izdvajamo:

- Prioriteti u energetsom sektoru u FBiH;
- Posljedice ekonomske nejednakosti po zaštitu okoliša;
- Održiv okoliš-neodrživa radna mjesta;
- Energetska efikasnost u BiH i druge.

Realizaciju projekta od 2022. godine podržavaju Socijaldemokratska partija Kraljevine Danske, partneri iz Parlamenta Kraljevine Danske i Danski Institut za partije i demokratiju.



ProgWeB (Progressive Politics in Western Balkan)

Vjerujemo da svaka promjena počinje znanjem – zato obrazujemo mlade lidere i liderke da zajedno gradimo put uspjeha.

Gradeći zajedničku regionalnu priču s partnerskim fondacijama sa Zapadnog Balkana i Evrope, uvidjeli smo potrebu za stvaranjem jedinstvene platforme gdje će potencijal mladih doći do izražaja kada je riječ o transformaciji društvenih odnosa u regionu. Kroz realizaciju nacionalnih projekata, saradnju, povezivanje i razmjenu iskustava, omogućili smo budućim mladim političkim liderima i liderkama sa Zapadnog Balkana da steknu vještine i alate za promovisanje regionalnog umrežavanja, saradnje i dijaloga, a što su ujedno i vrijednosti na kojima počiva Evropska unija. U cilju unapređenja regionalnih odnosa i promocije evropskih i demokratskih vrijednosti, ali i pružanja odgovora na izazove globalizacije i negativnih političkih narativa, pokrenuli smo ProgWeB akademiju kako bismo podržali mlade i učinili ih vidljivijima. Smatramo da je uloga mladih u izgradnji stabilnih demokratskih regionalnih procesa ključna jer regionalna saradnja nisu samo infrastrukturni projekti ili ekonomska razmjena dobara i usluga. Podjednako je važna i razmjena ideja, znanja, iskustava i učešće mladih u postizanju trajnog mira i razvoja u regionu.

Progressive Politics in Western Balkans (ProgWeB) predstavlja političku akademiju koja okuplja mlade ljude socijaldemokratskih i liberalnih vrijednosti iz šest zemalja Zapadnog Balkana. Cilj Akademije je povećanje političkog učešća i uticaja mladih kroz izgradnju kapaciteta i jačanje regionalne demokratske saradnje. Fokus Akademije



Od **2019. godine** do danas ProgWeB Akademiju pohađalo je **124 učesnika/ice** sa Zapadnog Balkana.



je pomirenje, promocija progresivnih politika, kao i političke i ekonomske stabilnosti, razumijevanje i korištenje proevropskih vrijednosti i njegovanje međupolitičkog dijaloga i diplomatskih veza na Zapadnom Balkanu.

Realizaciju ovog projekta od 2019. godine podržavaju Međunarodni Centar Olof Palme i CIS – Centre Party International Foundation.





FJONA KURTESHI

*ProgWeB supervizorica
za nacionalne projekte*

UČESNICA

“Biti dio Regionalne političke akademije ProgWeB bilo je bogato iskustvo koje je produbilo moje razumijevanje progresivne politike i regionalne saradnje na Zapadnom Balkanu. Kao učesnik 2022. godine, stekla sam vrijedne uvide u političku komunikaciju, demokratsko upravljanje i inovacije politika. U prethodnim godinama, kao supervizorica za učesnike iz Albanije, imala sam priliku da mentorisem mlade lidere i svjedočim kako program podstiče istinski regionalni dijalog i solidarnost. ProgWeB ostaje jedinstvena platforma koja povezuje znanje, vrijednosti i djelovanje za inkluzivniju i napredniju regiju.”



NEMANJA IVANOVIĆ

ProgWeb supervizor za nacionalne projekte

UČESNIK

“ProgWeB je definitivno jedan od najboljih programa za mlade na Zapadnom Balkanu. Saradnja i razumevanje između predstavnika država bili su na visokom nivou i pomogle su nam da bolje razumemo otvorena pitanja i da im pristupamo sa mnogo više pažnje i razumevanja. Proaktivan program i agenda ProgWeB-a doveli su do toga da su učesnici ostali u kontaktu i neretko sarađuju. Danas su neki od učesnika prepoznati mladi lideri i odgovorni funkcioneri. Stvorio sam mnogo prijatelja i poslovnih saradnika. Verujem da smo zahvaljujući ProgWeB-u prevazišli mnoge zablude dnevno-političkih dešavanja. Drago mi je sto sam bio deo ovog programa.”



DRAGANA DRLJAČA

povjerenica za Vojvodinu demokratske omladine

UČESNICA

“Program Progweb je za mene bio jedno divno iskustvo jer sam kroz predavanja stekla nova znanja, veštine, iskustva koja ću primeniti u svojoj daljoj karijeri. Upoznala sam nove ljude i razvila nove kontakte sa mladim ljudima iz regiona i na taj način razmenila iskustva koja će mi biti potrebna u daljem razvijanju evrointegracija. Najviše mi se dopao masterclass u Beču jer je akcenat bio na spoljnoj politici koja mene najviše zanima. Preporučujem svima da se prijave na ovaj program jer će biti bogatiji za nova znanja.”



Regionalna konferencija VUČKO

Mi povezujemo mlade iz BiH sa mladima u regionu i Evropi – zajedno gradimo povjerenje i jačamo integritet mladih.



Na početku našeg rada imali smo sreću da pokrenemo veliki regionalni projekat koji nam je kasnije obogatio mrežu saradnika, partnera i donatora, te postavio kvalitetne temelje za razvoj naših ostalih edukativnih programa. Sve je počelo jednom jednostavnom idejom – da mladi ljudi iz bivših jugoslovenskih zemalja i šire regije, dobiju prostor da se upoznaju, povežu i zajedno grade konkretne korake za njihovu budućnost. Shvatili smo

da pred izazovima današnjice nijedna zemlja, niti njeni mladi ne mogu stajati sami. Potrebna nam je saradnja, razumijevanje i zajednička vizija. Upravo iz te ideje nastala je Regionalna konferencija VUČKO – projekat regionalnog karaktera koji već dugi niz godina okuplja mlade progresivne političke i društvene aktiviste i aktivistice iz Slovenije, Hrvatske, Bosne i Hercegovine, Srbije, Crne Gore, Kosova, Albanije i Sjeverne Makedonije.



Na Regionalnoj konferenciji **VUČKO** učestvovalo je **preko 600 učesnika/ica** iz regiona.

Svake godine, konferencija donosi aktuelne teme od značaja za mlade ljude u regionu i postajemjestogdjeseidejerađaju,prijateljstva grade i saradnje jačaju. Cilj je jasan – povezati mlade, omogućiti im razmjenu iskustava, potaknuti njihovu saradnju i osnažiti ih za aktivniji društveno-politički angažman. Kroz panele i interaktivne radionice, u saradnji sa stručnjacima mladi predstavljaju mjere i preporuke koje se odnose na povećanje zainteresovanosti mladih za procese donošenja odluka.

Realizaciju ovog projekta od 2009. godine s ponosom podržava Fondacija Friedrich Ebert u BiH, prepoznajući važnost regionalnog dijaloga i zajedničke vizije budućnosti. Vjerujemo da je budućnost Balkana u rukama mladih – a kada su oni umreženi, osnaženi i spremni na saradnju, budućnost postaje svjetlija. Na Regionalnoj konferenciji VUČKO učestvovalo je preko 600 učesnika/ica iz regiona.



KRISTIAN TONČIĆ

*gradski vijećnik u GV Grada Opatije
i predsjednik GV Grada Opatije*

UČESNIK

“Sudjelovanje na Regionalnoj konferenciji VUČKO bilo je sjajno iskustvo razmjene ideja o političkoj participaciji i ulozi politike u društvu. Posebno mi je značilo upoznati inspirativne kolege iz drugih država, razmijeniti iskustva i predstaviti primjere dobre prakse iz našeg okruženja – takve razmjene daju stvarni smisao regionalnoj suradnji.”





AMINA CIKOTIĆ

*potpredsjednica SDP-a Crne Gore i
predstavnik Evropskog saveza*

UČESNICA

“Tri puta sam imala priliku da učestvujem na konferenciji Vučko, jednom od najznačajnijih regionalnih okupljanja mladih političkih lidera. Svako učešće donijelo mi je nova znanja, iskustva i inspiraciju, ali najveća vrijednost su prijateljstva i saradnje koje i danas traju širom regiona. Vučko nije samo konferencija već prostor gdje se rađa vjera u politiku dijaloga, zajedništva i bolje budućnosti Balkana. Zato svima preporučujem da budu njen dio.”



MARKO ŠKRINJAR

UČESNIK

“Želio bih se zahvaliti organizatorima regionalne konferencije VUČKO na nevjerovatnom iskustvu. Njihov cilj da okupe buduće socijaldemokratske lidere Balkana definitivno je postignut. Nikada nisam sreo toliko progresivnih i odlučnih ljudi na istom mjestu. Povezali smo se i napravili planove za našu buduću saradnju, koja će osigurati mjesto za socijaldemokraciju u našoj regiji.”

IRHANA ČAJDIN

FLI aktivistica

UČESNICA



“Učešće na konferenciji mi je donijelo mnogo korisnih informacija koje primjenjujem u svakodnevnom poslu. Smatram da neformalno obrazovanje često pruža širi i praktičniji pogled na stvari nego što to može formalno - upravo kroz ovakva iskustva koja povezuju ljude iz različitih oblasti i otvaraju nove perspektive.”



JOVICA JANKOVIĆ

Forum mladih SDSM

UČESNIK



“Veoma sam zahvalan na prilici da budem jedan od panelista na regionalnoj konferenciji VUČKO, kao i na razmjeni znanja i uspostavljanju kontakata, što je ključno za regionalnu stabilnost i saradnju.”

Regionalna škola diplomatiije

“Diplomatija je najjače oružje u međunarodnim odnosima i ne prepušta se slučajnosti.”



Izuzetno smo ponosni na činjenicu da je Regionalna škola diplomatije projekat prvi ovakve vrste u Bosni i Hercegovini, ali i regionu, te da je prepoznat u državama Zapadnog Balkana kao vrlo kvalitetan i inspirativan. Kada smo prvi put razgovarali o mogućnostima i opcijama kako bismo mogli uvezati mlade ljude različitih profila, FLI tim je došao na ideju da se pokrene program koji je upravo danas pred vama: osnaživanje kapaciteta mladih lidera i liderki iz država Zapadnog Balkana u oblasti diplomatije i diplomatskih odnosa koje počiva na direktnim iskustvima bivših i aktuelnih diplomata, ambasadora i akademskih profesora iz Bosne i Hercegovine i regije.

Imali smo jasnu viziju ispred sebe: ponuditi najkvalitetnija predavanja iz oblasti diplomatije i diplomatskog nastupanja u međunarodnim odnosima; razgovarati o značaju euroatlanskih integracija, o multilateralnoj diplomatiji i zaštiti ljudskih prava.



Regionalnu školu diplomatije uspješno je pohađalo **90 učesnika/ica s prostora Zapadnog Balkana.**

Brendiranjem Regionalne škole diplomatije uspjeli smo povezati i ujediniti mlade lidere i liderke iz regije Zapadnog Balkana u jedan cilj: stvoriti mrežu komunikacije i poznanstava u svrhu sticanja novih znanja, iskustava i razmjene dobrih praksi.

Realizaciju ovog projekta od 2021. godine podržava Međunarodni centar Olof Palme iz Švedske.



Dr. sc. HODA DEDIĆ

*ambasadorica BiH u
Kraljevini Norveškoj*

“Bila mi je izuzetna čast i zadovoljstvo otvoriti Treću regionalnu školu diplomatije u Sarajevu, u svojstvu savjetnice za vanjsku politiku člana Predsjedništva BiH, dr. Denisa Bećirovića. Ovaj važan forum predstavlja izvanrednu platformu za povezivanje mladih lidera sa Zapadnog Balkana, čime se jača regionalna saradnja i njeguje kultura dijaloga. Inspirativno je bilo vidjeti motivaciju i energiju učesnika koji svojim djelovanjem već sada mijenjaju svoje zajednice nabolje. U vremenu brojnih izazova, ovakvi susreti pružaju nadu i pokazuju da postoji snažna volja mladih za ulaganjem zajedničkih napora u progresivne promjene. Uvjerena sam da će znanja i kontakti stečeni tokom Regionalne škole diplomatije biti dragocjen resurs u njihovom daljem društvenom i diplomatskom angažmanu.”





MIKAELA LLALLA

Generalna sekretarka IAYSP EUM
UČESNICA

“Pohađanje Regionalne škole diplomatije bila je odlična prilika za razmišljanje o tekućem procesu osnaživanja mladih na Balkanu. Program mi je pružio priliku da se uključim u diskusije, razmijenim ideje i podijelim naša razmišljanja o potencijalu koji naša regija posjeduje.”



ARGIOS KOLLCAKU

UČESNIK



“Regionalna škola diplomatije predstavila je istinske napore EU i Zapadnog Balkana u zajedničkom radu na svjetlijoj budućnosti. Uvidi govornika i naših kolega pružili su perspektivu koja se rijetko može naći bilo gdje drugdje. Budućnost Zapadnog Balkana je zajednička, u EU.”



ANIDA ŠKRIJELJ

UČESNICA

“Regionalna škola diplomatije ponudila je jedinstvenu platformu za intenzivnu razmjenu znanja i iskustava, osnažujući učesnike da postanu proaktivni lideri u rješavanju savremenih globalnih izazova.”



IVANA DUNJIĆ

Institut za međunarodnu politiku i ekonomiju
UČESNICA



“Bilo mi je zadovoljstvo učestvovati u Regionalnoj školi diplomatije. Ovaj program mi je pružio neprocjenjive uvide i od teoretičara i od praktičara u oblasti diplomatije i priliku da se povežem sa izuzetnim ljudima iz cijelog regiona Zapadnog Balkana. Zaista vjerujem da umrežavanje među mladima podstiče pozitivne promjene u našem regionu.”



ADNAN MEŠANOVIĆ

UČESNIK

“Regionalna škola diplomatije za mene predstavlja vrlo vrijedno iskustvo na kojem sam imao priliku da kroz konstruktivne razgovore i diskusije usvojim nova znanja i upoznam mlade ambiciozne ljude s područja cijelog Zapadnog Balkana.”



Inkluzija i borba protiv nejednakosti na Zapadnom Balkanu

“Obrazovanje je najmoćnije oružje koje možemo koristiti da promijenimo svijet.”

FMS
Foundation Max van der Stoep

Labour

Stičući znanja i vještine na našim edukativnim programima, naši mladi društveno-politički aktivisti/kinje iskazali su potrebu za specijaliziranim vrstama programa koje se odnose na jačanje kapaciteta građana/ki u oblastima poput: borba protiv različitih oblika diskriminacije, borba protiv društvene nejednakosti i društvenih stereotipa, promocija inkluzivnog pristupa i različitosti. Podršku za ovu vrstu aktivizma mladih pronašli smo u

Aktivnosti ovog regionalnog programa organizovane su širom regiona, a u njima je učestvovalo **preko 250 učesnika/ica**.

regionalnim partnerskim fondacijama koje su dijelile istu zamisao: promovisati ljudska prava i slobode marginalizovanih, ugroženih i ranjivih društvenih grupa. U 2019. godini pokrenuli smo zajednički regionalni projekat pod nazivom Inkluzija i borba protiv nejednakosti na Zapadnom Balkanu. Cilj projekta jeste doprinijeti prevazilaženju predrasuda s kojima se marginalizovane grupe suočavaju u svakodnevnom životu.



U sklopu projekta provode se edukativne, istraživačke i promotivne aktivnosti, te realizuju regionalne konferencije, trening trenera i snimanje podcasta u cilju poboljšanja njihovog društvenog statusa. Projekat se paralelno implementira u Srbiji, Sjevernoj Makedoniji i Crnoj Gori, a partneri na projektu su Centar modernih veština iz Beograda, Progress Institut iz Skoplja te Fond za progresivne politike iz Podgorice.



Mala škola ljudskih prava je dio regionalnog projekta koji je također vezan za promociju prava marginaliziranih društvenih grupa u BiH. Važan dio projekta je i jačanje kapaciteta političkih aktivista/ica za zagovaranje prava marginaliziranih grupa u društvu. Mladi su kroz različite inicijative i aktivizam imali priliku da prošire svoje znanje o prepoznavanju i suprotstavljanju govoru mržnje, kao i da kroz lično angažovanje iskažu podršku pravima marginalizovanih grupa. Realizaciju ovog projekta od 2019. godine podržava Fondacija Max van der Stoep iz Holandije i Laburistička partija Velike Britanije.





“Ponosna sam što vodim mali, ali izuzetno posvećen i funkcionalan tim koji svakodnevno dokazuje da velike ideje ne zahtijevaju velike resurse, već vjeru, trud i zajedništvo. Najveća potvrda navedenog za mene je činjenica da je moja ideja o Regionalnoj školi diplomatije zaživjela i da se od 2021. godine uspješno implementira. Osjećaj kada vidiš kako se tvoja zamisao pretvara u stvarnost i kada zajedno s timom gradiš nešto što nadilazi granice – to je neprocjenjivo. Naučila sam koliko je važno vjerovati u sebe, slušati druge i nikada ne odustajati od onoga za što znaš da može donijeti promjenu.”



“Ponosan sam što je Forum lijeve inicijative program ProgWeB Akademiju pozicionirao visoko na regionalnoj ljestvici edukativnih programa i osigurao regionalnu podršku partnera. Kroz ovaj višegodišnji program imam priliku da radim s mladim socijaldemokratama i liberalima iz šest zemalja Zapadnog Balkana. Zajedno jačamo njihove kapacitete, povećavamo političko učešće mladih i jačamo regionalnu saradnju koja je za mene više od posla – to je misija. S druge strane, jedno od najvrednijih iskustava u mom radu u FLI-ju, a mogu slobodno reći i u životu, je rad na Mentoring programu: političko osnaživanje žena. Kao muškarac, imao sam privilegiju da učim, slušam i razumijem perspektive koje su mi do tada bile daleke. Taj proces me oblikovao, proširio moje horizonte i naučio me šta znači prava jednakost. Danas s ponosom mogu reći da, kroz ove programe, ne gradimo samo politike – gradimo ljude, mostove i novu generaciju lidera i liderki.”



“Rad na Mentoring programu – političko osnaživanje žena za mene je bilo izvanredno iskustvo. Imala sam priliku da upoznam nevjerovatne žene koje svakodnevno ruše barijere i mijenjaju svoje zajednice. Kroz naš zajednički rad, naučila sam koliko je važno pružiti podršku, dijeliti znanje i vjerovati u vlastite sposobnosti. Program me dodatno osvijestio i pokazao mi da politički prostor ne smije biti rezervisan samo za određene – on pripada svima nama. Danas sam sigurnija, glasnija i odlučnija nego ikada da nastavim graditi prostor u kojem žene imaju jednaka prava, jednak glas i jednaku moć.”



“Rad na programu Klub mladih vijećnica i vijećnika jedno je od najvrednijih iskustava u mom radu. Još uvijek se sjećam naših prvih edukacija, razgovora i snova koje smo dijelili s mladima koji su tada tek ulazili u svijet politike. Danas, kada vidim koliko su daleko dogurali mnogi učesnici tog programa – kada vidim da su postali načelnici, gradonačelnici, ministri, zastupnici ili su jednostavno ojačali svoje mjesto na političkoj sceni – osjećam ogroman ponos i zahvalnost. Znam da smo zajedno mijenjali stvari. Gradili smo mrežu mladih, hrabrih i obrazovanih ljudi koji vjeruju da politika može biti bolja. A usput smo gradili i nešto jednako važno – prijateljstva, povjerenje i tim koji je za mene postao porodica.”





Ponosni smo na našu priču jer je Forum lijeve
inicijative putovanje koje vječno traje...